

Bahan asal dari Arkib
Negara Malaysia

KCA puji Kerajaan pimpinan Mahathir cara bertindak

KOTA BHARU, Isnin —
Persatuan Pengguna
Kelantan (KCA)
memuji Kerajaan di
bawah pimpinan Da-
tuk Seri Dr. Mahathir
Mohamad dan Datuk
Musa Hitam yang sen-
tiasa bertindak segera
terhadap masalah
pengguna yang
dibangkitkan oleh
pihak akhbar dan per-
satuan pengguna sendi-
ri.

Presidennya, Encik
Omar bin Haji Ahmad
berkata, laporan akh-
bar tempatan berben-
tuk "penyiasatan"
banyak mendedahkan
kegiatan tidak sihat
pihak tertentu yang
boleh menjejaskan
hak-hak rakyat
sebagai pengguna.

Dengan kerajinan para
wartawan itu, beliau
yakin masalah inflasi
dan rasuah di negara
ini akan dapat dihin-
darkan dan ini menu-
rutnya akan memban-
tu menghapuskan
masalah pengguna.

Kerjasama

Berucap di majlis per-
asmian mesyuarat
agung KCA di sini kel-
marin yang dilakukan
oleh Menteri Per-
dagangan dan Per-
industrian, Tengku Ah-
mad Rithauddeen,
beliau berkata,
pihaknya sentiasa
mendapat kerjasama
rapat para wartawan
di Kelantan berhubung
dengan masalah peng-
guna.

"Saya berharap pihak
wartawan juga akan
bersedia menjadi ahli
persatuan pengguna
supaya mereka boleh
memberi sumbangan
lebih besar terhadap
masalah pengguna di
negara ini," tam-
bahnya.

Menurut Encik Omar,
walaupun Persatuan
Pengguna Kelantan
baru dua tahun
ditubuhkan tetapi
sambutan orang ramai
sangatlah meng-
galakkan terutamanya
terhadap kursus pene-
rangan mengenai
penggunaan yang
dianjurkan oleh per-
satuan tersebut.

Katanya, dalam tempoh
tersebut, KCA telah
menganjurkan
beberapa kursus pene-
rangan pengguna
termasuk untuk suri
rumah, guru-guru
sekolah menengah dan
guru pelatih dari
Maktab Perguruan
Kota Bharu.

"Persatuan ini juga telah
menganjurkan majlis
dialog dengan Menteri
Besar dan Penolong
Pengarah Bahagian
Penguatkuasa Kement-
erian Perdagangan
dan Perindustrian,"
tambahnya.

Mengenai program per-
satuan tersebut, Encik
Omar berkata
beberapa rancangan
telah diatur.